

num. 5 et seqq. An res effectum eo vivente sortita sit, non ita liquet. Quosdam tandem canonicos sub altero ejus successore Rangerio accessisse ad communem vitam colligo ex sequenti professionis formula, quam in veteri codice Lucensis ecclesiæ invenimus. *Ego promitto stabilitatem in hoc loco ad obedientiam Dei et beati Martini, et episcopi R. qui nunc est, et eorum qui canonice successuri sunt: et promitto bona ecclesiæ, et quæ per officium ecclesiasticum acquisiero, in communi sine fraude habere, et preposito obedire canonice ordinato. ††. Hoc fecerunt in sancto Donato Martinus presbyter, et Henricus, et Mascarus.* Vivebant ergo illi canonici seorsim ab aliis in ecclesia Sancti Donati. In alio codice, qui modo est penes Florentinum medicum Lucensem, hæc de ejusmodi canonicus leguntur: *Incipit Ordo canonorum qui ad conversionem revertunt. Novitus facturus professionem, ante altare post offerendum veniat et ratrum conventus in circuitu assistat; et flectendo genua tertio. Novitus hunc versum dicat: Suscipe me, Domine, secundum eloq. tuum, etc. Tunc surgens novitus regat hanc professionem: « Ego frater N. offerens trado meipsum ecclesiæ sancti Donati, et promitto hic stabilitatem loci, et obedientiam priori, et vitam profiteor canonicam, et sine proprio. »* Post hæc sequuntur in eodem codice Regulæ sancti Augustini, et beati Benedicti, cum hujus Vita auctore Gregorio Magno.

5. Quod attinet ad Anselmi opera seu scripta, hæc C

A enumerantur in Vitæ sequentis num. A, nempe Apologeticum pro Gregorio VII, Expositio in Lamentationes Jeremiæ, item expositio in quosdam psalmos. His adde Collectionem canonum, libris XIII comprehensam. Ex his editum est Apologeticum, primum quidem ab Henrico Canisio, postea vero in Bibliotheca Patrum. Epistolam unam et aliquot opuscula ei tributa edidit Wadingus Romæ anno 1657. Et quidem hujus epistolæ fragmentum habet cum Urspergensi abbate Chronographus noster Saxonius ms. Bertholdus Constantiensis quosdam versus adducit ex commentario Anselmi in Psalmos. Collectionem canonum habemus penes nos manu descriptam ex codice Vaticano, ex qua hæc delibera sufficiat in præsens. INCIPIT CAPITULATIO LIBRORUM, B QUOS BEATUS ANSELMIUS LUCENSIS EPISCOPUS DE CO-EQUALIBUS CAUSIS SINGULOS IN HOC VOLUMINE LIBROS COMPOSUIT. Liber I, De potestate et primatu apostolica sedis; II, De libertate appellationis; III, De ordine accusandi, testificandi et judicandi. IV, De privilegiis auctoritate. V, De ordinationibus ecclesiasticis, et de omni iure ac statu illarum. VI, De electione et ordinatione, ac de omni potestate sive statu episcoporum. VII, De vita et ordinatione clericorum. VIII, De lopais. IX, De sacramentis. X, De conjugiis. XI, De pœnitentia. XII, De excommunicatione. XIII, De vindicta et persecutione iniusta. Hæc satis in specimen.

## VITA S. ANSELMI

(Vide Patrologiaæ tom. CXLVIII, col. 905 inter MONUMENTA GREGORIANA.

# SANCTI ANSELMI

LUCENSIS EPISCOPI

## CONTRA GUIBERTUM ANTIPAPAM

PRO DEFENSIONE GREGORII VII LEGITIMI PONTIFICIS ROMANI

### LIBRI DUO.

(CANISIUS, Antiquæ Lectiones, tom. VI, pag. 199, ex bibliotheca ecclesiæ cathedralis Ratisbonensis.)

#### LIBER PRIMUS.

Proprium est sonorum mentium ibi metuere culpam ubi non est; reproborum vero, se præferendo, alios de fatuis sensibus, alios de indignis meritis reprehendere. Redargui despiciunt, dum se redarguentibus sapientiores suspicantur; ea quæ intelligent, alii libenter dicunt, ut plus illis tam subtilia,

D et tam utiha, et aliis ignota videantur scire. Cum habent intelligentiam, non seipsos, sed semper alia, ut plus videantur scire, scrutantur, nec scrutantur sua facta, sed aliena investigant. Sed justo omnipotentis Dei judicio agitur, ut quia non habuerunt timorem Dei, et non proposuerunt Deum ante con-

spectrum suum (Psal. lxxii), et in lege ejus noluerunt ambulare (Psal. lxxvii), divitias quas devoraverunt, evomant, et de ventre eorum extrahat eas Dominus. Et sicut dicit Apostolus : Quia non probaverunt Deum habere in notitia (Rom. i), tradidit illos Deus in reprobum sensum (Ibid.). » Spiritus enim sanctus discipline effugit fictum, et auferit se a cogitationibus quæ sunt sine intellectu. « Super quem, inquit, requiescam, nisi super humilem et mansuetum, et trementem verba mea? » (Isai. lxvi.) Et alibi : « Cum simplicibus sermocinatio mea (Prov. iii). » Quo recedente, veternos serpens tantum virus insipienti obscuratoque cordi infundit, et ita totum veneno mortiferæ deceptionis manipulatum, sive servum inebriat, ut amarum dulce, et dulce amarum sapiat; ut tenebras lucem, et lucem tenebras credit; bonum denique malum, et malum bonum asserat (Isai. v) : sicque sit ut ex duobus convenientibus inmundis spiritibus, plenitudo superbiæ firmata, dæmoniacis humanisque contagiosis desertam vacantemque domum, omnium vitiorum comitatu stipata, circa finem mundi occupet (Matth. xii), occupatam possideat, possessam prostituat, ut minor jam videatur in capite, et quasi per incrementa temporum in ætate perfecta profecisse. Diabolus enim dixit : « Ponam sedem meam ad aquilonem, et ero similis Altissimo (Isai. xiv) : » De patre vero vel socio tuo dicit Apostolus : « Qui extollitur supra omne quod dicitur aut quod colitur Deus (II Thes. ii). »

Audi itaque, sceleratissime omnium, qui sic mihi jam nominandus es, eo quod latrare non timuisti contra Dominum et Magistrum tuum ; cognosce quæ propria sunt. Scripsi tibi pauca cum multo dolore et sinceræ charitatis affectu, ut cognoscens errorem tuum redires ad cor, et pœnitentiam ageres delictorum tuorum. Sed quia verba tua iniquitas et dolus, et nolusti intelligere ut bene ageres (Psal. xxxv), audi interea quæ Dominus contra te per prophetam clamat : « Hæc dicit Dominus Deus : Ista est Hierusalem ; in medio gentium posui eam, et in circuitu ejus terram. Et contempsit judicia mea, ut plus esset impia quam gentes, et præcepta mea ultra quam terræ quæ in circuitu ejus sunt. Judicia enim mea projecterunt, et in præceptis meis non ambulaverunt. Idecirco hæc dicit Dominus Deus : Ecce ego ad te, et ipse ego faciam in medio tui judicia in oculis gentium, et faciam in te quæ non feci, et quibus similia ultra non faciam propter omnes abominationes tuas. Ideo patres comedent suos filios in medio tui, et filii comedent patres suos (Ezech. v). » Hæc itaque cum videoas tuis temporibus impleta, et Veritas dicat : « Faciam quæ nunquam in te feci, et quibus similia ultra non faciam ; » quandoquidem abominatione nova et inaudita tui tempore te et Dominum tuum N. et per vos complices vestros novæ addicat maledictioni. Tibi etiam necesse est, si vis salvus esse, inauditum judicium adscribas : « Ista est mater Hierusalem, » et reliqua.

**A** Adultera siquidem quæ nunc est in parte tua, olim videbatur Hierusalem, sancta videlicet Ecclesia, filia regis David. Sed, proli dolor! corrupta est a fratre suo, et constuprata usque ad verticem. Omnis decor ejus recessit ab ea, facta est quasi vidua domina gentium, quia rex Babylonis possidet eam. Cum enim Dominus dicat B. Petro : « Tibi daho claves regni cœlorum (Matth. xvi) ; » et : « Super hanc petram ædificabo Ecclesiam meam (ibid.) ; » et : « Pasce oves meas (Joan. xxi), » et alibi : « Una est columba mea (Cant. vi), » quæcunque alterius juris usurpatione corruptitur, non jam sponsa Christi, sed adultera, nou libera, sed ancilla convincitur, sicut dicit beatus Ambrosius : « Convenior a comitibus et tribunis, ut per me basilicæ fieret natura traditio, dicentibus imperatorem jure suo jussisse ut quæ in potestate ejus essent, omnia tradi debere ; respondi : Si a me peteret quod meum est, id est fundum meum, argentum meum, jus hujusmodi meum, me non refragaturum, quanquam omnia quæ mea sunt pauperum sint ; verum ea quæ divina sunt, imperatoriæ potestati non esse subjecta. » Et paulo post : « Nec mihi fas est tradere, nec tibi, imperator, accipere expedit. Domus privati nullo potest jure temerari : domum Dei existimas auferrandam ? Allegatur imperatori licere omnia, ipsius esse universa, Respondeo : Noli gravare te, imperator, ut poteste in ea quæ divina sunt, imperiale aliquod jus habere. Noli te extollere, sed si vis diutius imperare, esto Deo subditus : Scriptum est enim : Quæ Cæsaris Cæsari, quæ Dei Deo (Matth. xii). Ad imperatorem palatia pertinent, ad sacerdotem ecclesie. Publicorum tibi mœnium jus est commissum, non sacrorum. Iterum dicitur mihi mandasse imperatorem : Debo et ego unam basilicam habere. Respondeo : Non licet tibi ullam habere. Quid tibi cum adultera ? Adultera enim est, quæ non est legitimo Christi conjugio copulata. Veteri jure a sacerdotibus donata imperia, non usurpata. »

Constat itaque quia Ecclesia hæc non est vera Ecclesia sed adultera, cum sicut beatus Cyprianus dicit : « Quisquis ab Ecclesia segregatus adulteræ jungitur, a promissis Ecclesiæ separatur ; nec perveniet ad Christi præmia, qui reliquit Ecclesiam Christi. Alienus est, profanus est, hostis est, habere non potest Deum patrem, qui Ecclesiam non habet matrem. »

Unde et beatus Gelasius inter cetera dicit : « Ad sacerdotes Deus voluit quæ Ecclesiæ sunt disponenda pertinere, non ad sæculi potestates ; quæ si fideles sunt, Ecclesiæ suæ et sacerdotibus voluit esse subjectas. Non sibi vindicet imperator alienum jus, et ministerium quod alii deputatum est. » Et paulo post : « Obsequi solere principes Christianos Ecclesiæ decretis; non suam preponere potestatem. »

Noli itaque dicere quia universalis Ecclesiæ curam suscepimus. Quomodo enim tibi commissa est Ecclesia quem constat non intrasse per ostium, quod Christus est, sed aliunde ascendisse ut furem? (Joan.

x.) Apostolica enim et universalis Ecclesia suum habebat pastorem. Ut enim de beato Gregorio Patre nostro dicam quæ de Cornelio scripsit Cyprianus : « Factus est episcopus de Dei et Christi eius iudicio, de clericorum peine omnium, et, ut verum dicam, omnino omnium testimonio ; de plebis quæ tunc adfuit suffragio, de sacerdotum antiquorum et virorum bonorum collegio, cum nemo ante se factus esset, cum Alexandri locus, et cum locus Petri, vel gradus cathedralis sacerdotalis vacaret. Quo occupato et de Dei voluntate atque omnium nostrum consensu ordinato, quisquis jamjam episcopus fieri voluerit, foras fiat necesse est, nec habeat ecclesiasticam ordinationem, qui Ecclesiae non tenet unitatem. Quisquis ille fuerit, licet de se multum jactans, et sibi plurimum vindicans, profanus est, alienus est, foris est, et cum post primum secundus esse non possit, quisquis post unum qui solus esse debet, factus est, non secundus ille, sed nullus est. »

Hæc sunt iudicia Dei, quæ projectis, et præceptis in quibus ambulare noluitis, omnium gentium iniquitatem supergressi, cum in infernum viventes descendistis. Omnes itaque gentes in comparatione vestri sceleris justificatas credimus, quia post dominum acceptum sancti Spiritus, virtutesque supervenienti sæculi, non solum sicut Deum glorificare noluitis, sed contra præcepta ejus leges iniquas statuentes, omnem vobis aditum venie interclusistis. nisi ad unitatem matris Ecclesiae, unde præcisi estis, redeatis, quæ sola jus ligandi et solvendi possidet. Dominus namque dicit : « Gratus accepistis, gratis date (Matth. x). Qui non intrat per ostium, non est pastor ovium (Joan. x). Et quocunque ligaveris super terram, erit ligatum et in cœlo (Matth. xvi). »

Rex autem tuus sine intermissione vendit episcopatus suos, edicta proponens ut nullus habeatur episcopus, qui a clero electus, vel a populo fuerit expeditus, nisi præcesserit honor regius, quasi ipse sit hujus ostii ostiarius, de quo Veritas dicit : « Huic ostiarius aperit (Joan. x). »

Tu vero aliunde ascendisti, et non vocatus a Deo accessisti, noli usurpare tibi tanti curam regimini. Sicut enim jam dictum est, si Gregorius in Ecclesia fuit, qui apud te etiam constitutus, et iudex a nullo condemnari potuit, manifestum est te ab Ecclesia radice præcismus aruisse, nihilque habere potestatis ac juris. Sicut enim beatus Cyprianus dicit, scribens Magno presbytero : « Ecclesia una est, quæ in us et foris esse non potest. Si enī apud Novatianum est, apud Cornelium non fuit. Si vero apud Cornelium fuit, qui Fabiano episcopo legitima ordinatione successit, Novatianus in Ecclesia non est, nec episcopus computari potest. » Et paulo post : « Invenimus in tali facinore non solum duces et auctores, sed et participes poenis destinari, nisi se a communione malorum separaverint, præcipiente per Moysen Domino : Separamini a tabernaculis hominum istorum durissimorum, et nolite tangere ab omni-

A bus, quæ sunt eorum, ne simul pereatis in peccato eorum (Num. xvi). Et quæ committans Dominus per Moysen fuerat implevit. Ut quisque se a Core et Dathan et Abiron non separasset, poenas statim pro impia communione persolveret. Quo exemplo ostenditur et probatur obnoxios omnis culpæ et poenæ futuros qui se schismaticis contra præpositos et sacerdotes irreligiosa temeritate miscuerint, sicut etiam per Osee prophetam Spiritus sanctus contestatur et dicit : Sacrificia eorum tanquam panis luctus, omnes qui manducant ea contaminantur (Osee. ix), docens scilicet et ostendens omnes omnino cum auctoribus supplicio conjungi, qui fuerint eorum peccato contaminati. »

B His et alii innumeris salutariibus præceptis admoniti, detestamur non sacramenta Ecclesiae, sicut tumultis, sed schismaticos et sacrilegos, quorum parcidalibus manibus sese sacramenta divina subtraxerunt; et cum catholica matre nostra Ecclesia persecutar inimicos ejus, nec convertar donec descant (Psalm. xvii). Sanctum quippe suum quod foris habetis, quod malo vestro accepistis, quia bono odore peristis, veneratur Ecclesia, sed vos persecuturi, ut Sara ancillam, quæ tamen de semine Abraham concepit et peperit (Gen. xvi). Intellige itaque quomodo persecutur adhuc ancillam dominam, ut docearis quæ sit persecutio beata, et scias quomodo nec pro justitia Christianis iurgandum sit, cum competenter exponi tibi permiseris, ut addatur aduersus Catholicos, et non redarguas Christum, qui dicit : « Compellite intrare (Luc. xiv), » et alia multa, quæ in consequentibus posita audies.

C Dicit beatus Augustinus aduersus Donatistas : « Si Ecclesia ipsa est quæ persecutionem patitur, non quæ facit, querant ab Apostolo quam Ecclesiam significabat Sara, quando persecutionem faciebat ancillæ. Liberam quippe matrem nostram cœlestem Jerusalem; idem verani Dei Ecclesiam in illa muliere dicit fuisse præfiguratam, quæ affligebat ancillam (Gal. iv). Si autem melius discutiamus, magis illa persecutatur Sarah superbiendo quam illam Sara coercendo. Illa enim dominæ faciebat injuriam, ista imponebat superbæ disciplinam. Deinde queroris boni et sancti viri nemini faciunt persecutionem, sed tantummodo patientur, cujus putant in psalmo vocem ubi legitur : Persequar inimicos meos, etc. (Psalm. xvii). Si ergo verum dicere vel agnoscere volumus, est persecutio injusta quam faciunt impii Ecclesiae Christi. Ista namque beata est quæ persecutionem patitur propter injustitiam. » Item : « Quod autem dicunt, qui contra suas impietas leges justas institui nolunt, non petiisse a regibus terræ apostolos talia, non considerant aliud fuisse tunc tempus, et omnia suis temporibus agi. Quis enim tunc in Christum crediderat imperator, qui ei pro pietate contra impietatem leges ferendo serviret, quando adhuc propheticum complebatur : Quare fremuerunt gentes (Psalm. ii), et reliqua. Nondum autem age

batur quod paulo post in eodem psalmo subditur : **A** Servite Domino in timore (*Psal. ii.*). Quando enim reges servient Domino in timore, nisi ea que contra iussa Dei sunt religiosa severitate prohibendo atque plectendo? » Idem alibi : « Ubi est quod isti clamare consueverunt? Cui vim Christus intulit? Quem coegit? Ecce habent Paulum apostolum. Agnoscant in eo prius cogentem Christum et postea docentem, prius ferientem, et postea consolantem (*Act. ix.*). » Item : « Non mihi placet, ut omnes habeant occidendi licentiam, nisi forte sit miles, aut publica functione teneatur, ut non pro se hoc faciat, sed pro aliis, vel pro civitate, ubi etiam ipse est, accepta legitima potestate, si ejus congruit persona. Qui vero repelluntur aliquo terrore, ne mala faciant, etiam ipsis fortasse aliquid praestatur. Hinc autem dictum est : Non resistamus malo (*Math. v.*), ne nos vindicta delectet, que alieno malo animum pascit, non ut et correctionem hominum negligamus; unde nec reus mortis alienæ qui cum suæ possessioni muros circumduxerit, aliquis ex ipsorum casu percussus intereat : Neque enim reus est Christianus, si hos ejus aliquem feriendo, vel equus calcitrando aliquem occidat, aut ideo non debent Christiani boves habere cornua, aut equus ungulas, aut dentes canis. At vero quomodo apostolus Paulus sategit, ut in tribuni notitiam perferretur, insidias sibi a quibusdam perditis parari, et ob hoc deductores accepit armatos? (*Act. xxiii.*) » In illa arma scelerati homines incidissent, Paulus in effusione sanguinis eorum suum crimen agnosceret? Absit ut ea que propter bonum et licitum facimus aut habemus, si quid per hoc præter nostram voluntatem cuiquam mali acciderit, nobis imputetur. » Item : « Si Christiana disciplina omnia bella culparet, hoc potius militibus consilium salutis petentibus in Evangelio diceretur ut abjicerent arma; seque militiae omnino subtraherent. Dictum est autem eis : Neminem concusseritis, neque calumniam feceritis; sufficiat vobis stipendum vestrum (*Luc. viii.*). Quibus proprium stipendum sufficere debere præcepit, militare utique non prohibuit. » Item ad Bonifacium : « Gravi de pugna conqueraris? dubites nolo, utile consilium tibi tuisque dabo : arripe manibus arma, oratio aures pulset Auctoris, quia quando pugnat, Deus apertis oculis spectat, et partem quam aspicit justam defendit, et ibi dat palmam. » Item : « Noli existimare neminem Deo placere posse qui armis bellicis ministrat. In his erat sanctus David, cui Dominus tam magnum perhibuit testimonium; in his etiam plurimi illius temporis viri; in his erat centurio ille, qui Domino dixit : Non sum dignus ut intres sub tectum meum (*Math. viii.*). Hoc ergo primum cogita, quando armaris ad pugnam, quia virtus etiam tua corporalis donum Dei est. Sic enim cogitabis de Dei dono non facere contra Dominum. Esto ergo bellando pacificus, ut eos quos expugnas ad pacis utilitatem vincendo perducas. »

**B** Idem Augustinus Donato presbytero : « Displacet tibi quod traheris ad salutem, cum tam multos nostrum ad perniciem traxeris. Quid enim volumus nisi te comprehendendi et presentari, et servari ne pereas? »

Pelagius papa : « Non vos hominum vaniloquia retardant dicentium quia persecutionem Ecclesia faciat, dum vel ea que committuntur reprimunt, vel animarum salutem requirit. Errant hujusmodi rumoris fabulatores : non persequitur, nisi qui ad malum cogit. Qui vero malum vel jam factum punit, vel prohibet ne fiat, non persequitur iste, sed diligit. Nam si, ut illi putant, nemo nec reprimendus a malo, nec retrahendus ad bonum est. humanas ac divinas leges necesse est evanescere, que et malis poenam et bonis præmia, justitia suadente, constituant. Malum autem schisma esse et per exteris etiam potestates hujusmodi opprimi debere, et canonicae Scripturae auctoritas, et paternarum nos regularum veritas docet. » Item alibi : « Nec putetis alijcujus esse peccati, si hujusmodi homines comprimuntur. Hoc enim et divinæ gratiæ et mundanæ leges statuerunt, ut ab Ecclesiæ unitate divisi, a sæcularibus etiam potestatisbus comprimantur: nec quidquam maius est, unde Deo sacrificium possitis offerre, quam si id ordinetis ut hi qui in suam aliorum perniciem debacchantur, competenti debeant vigore compesci. »

Hieronymus super Ezechiem libro tertio : « Qui malos percutit in eo quod mali sunt, et habet vasa interfectionis, minister est Domini. »

Augustinus super psalmum centesimum decimum octavum : « Est injusta misericordia, de qua in lege scriptum est : Non misereberis ejus (*Deut. xix.*); et in libro Regum legis, quia Saul propterea contraxit offendit quia miseratus est Agag hostium regem quem prohibebat sententia divina servari (*I Reg. xv.*). Ut si quis latronis filiis deprecantibus motus, et lacrymis conjugis ejus inflexus absolvendum putat, cui adhuc latrocinandi aspiret affectus, nonne innocentes tradet exitio, qui liberat multorum exitia cogitantem? »

D De prædatione autem eorum qui ab Ecclesia præcisi sunt, respondeant Patres nostri. Augustinus : « Quidquid, inquit, a parte Donati possidebatur, Christiani imperatores legibus religiosis cum ipsis ecclesiis ad catholicam transferre jusserunt. Si autem consideremus quod scriptum est in libro Sapientiæ : Ideo justi tulerunt spolia impiorum (*Sap. x.*), item quod legitur in Proverbiis : Thesaurizant autem justis divitiæ impiorum (*Prov. xiii.*), tunc videbimus non esse querendum qui habeant res hereticorum, sed qui sint in societate justorum. »

Item, beatus Gregorius Velozi magistro militum, inter cetera : « Nunc utile visum est ut aliquanti illic milites transmittantur, quos gloria tua adnuere et hortari ut parati sint studeat, et occasione inventa cum gloriosissimis filiis nostris Martio et

Vitalio loquere, et quaecunque vobis Deo adjutore pro utilitate reipublice steterint facite, et si hic vel ad Ravennates partes nec dicendum Ariulfum cognoveritis excurrere, vos a dorso ejus, sicut viros fortes concedet, laborate. » Item Maurino et Vitaliano inter cætera : « Gloriosi filii, estote solliciti, quia, quantum comperi hostem collectum habet et in marinis dicitur residere, ut si hoc cursum Deo sibi irato mittere voluerit, vos locum ipsius, quantum Dominus adjuverit, depraedate. » Quibus diligenter perspectis, scies nos veritatem docere, non pseudo-prædicationibus dedocere, et te pro superbia in reprehobum traditum sensum, sancto Patri nostro crimem imposuisse, et dicta sanctorum Patrum, quæ in epistola tua posuisti, non intellexisse.

Hæc et his similia prædicamus, et cum multo dolore cordis ab his necessitatibus nostris eripi laboramus, et ad Dominum Deum nostrum de ista tribulatione clamamus, ut vos humiliiter sub manu sua diesque nostros in sua pace disponat. Cum multo siquidem dolore secat pius medicus, ni searet, moriturum; cum multis lacrymis ligat pater filium phreneticum. Daus denique gloriam nomini Domini lætatur justus cum videt vindictam (*Psal. lviii*), sed tamen animum ejus semper cruciat perentium multa.

Verum quidem est quia nec pro justitia ferrea arma corripi concessum est, sed propter se, quantum ad justitiae perfectionem, quantum spectat ad dominum Dei decorum. Nec hoc quidem laudat Apostolus quod contentiones sint inter sanctos sed tamen dixit : « Contemptibiles qui sunt inter vos, constituite ad judicandum (*I Cor. vi*). » Et cum omnes vellet esse sicut seipsum, concedit tandem ut propter incontinentiam unusquisque habeat suam uxorem, et ut vir uxori et uxor viro debitum reddat (*I Cor. vii*).

Cum Veritas ipsa in Evangelio præmisisset : « Nolite jurare omnino (*Matth. v*) ; » et : « Sit sermo vester, est, non (*Ibid.*) », subdidit tamen dicens : « Quod amplius est, a malo est (*Ibid.*) », non enim dixit, malum est, sed, « a malo », ac si dixerit : Si jurare necesse fuerit, et malo incredulitatis aliorum compulsi, jurate, non sine causa, non propria voluntate. » Hinc est quod Moyses pro temperamento vindictæ, « oculum, inquit, pro oculo, dentem pro dente (*Exod. xxi*) », ut clementiore hac via eriperet occidendi facultatem.

Utinam non esset collectatio [Catholicis] adversus carnem et sanguinem (*Ephes. vi*), ut quieti viverent, et tantæ perfectionis essent, ut omnes palmam martyrii desiderarent, et non essent quos vindicare minister Dei vindex in iram ei, qui male ageret haberet, qui non sine causa gladium portat (*Rom. xiii*). Nos vero in nullius sanguine miscuimus, nec, protegente Deo, miscebimus, nec de perditione mortuum exsultamus. Vindicare propriam injuriam omnes prohibemus, ut illum spectent Judicem, qui pollicetur dicens : « Mihi vindictam, ego retri-

A buam (*Rom. xiii*). » Defendere pupillum et viduam armis, etiam carnalibus, tueri sanctam Ecclesiam, non eos, qui in causa sunt, sed nisi pro communi republica, sub quorum regimine sunt universalis Ecclesiæ cupimus. Pecuniam eorum et terram non concupiscimus, sed ut thesaurizent impiorum divitiae justis, et spolia impiorum tollant justi, ea tamen intentione ut eos lucrari possint, et non solum que illorum sunt, sed omnia etiam sua in charitate distribuant summopere satagimus et desideramus.

B Non itaque adversum nos clamat<sup>1</sup> sanguis Saxonum, sed contra vos cum universo mundo, qui sceleris vestri tabe inhorruit. Clamat cœlum, clamat terra, clamat omnis Ecclesia justorum, et quæ adhuc peregrinatur, et quæ jam cum Christo regnat ; clamat Christus, clamat Pater pro Spensa Filii sui, clamat Spiritus sanctus qui quotidie postulat pro ea gemitibus inenarrabilibus (*Rom. viii*). Vos siquidem Ecclesiam laniatis et scinditis, qui partem vestram ab ejus unitate præcidistis eaque crudelius gladio schismatis quam idololatriæ scelere in frusta concidistis, ut jam non cum granis palea, sed præcisa a vite in ignem projiciantur sarmenta. Vos enī Ecclesiæ catholice, quam invasistis per totum regnum, quod quia intus cecidit, foris diu stare non poteris, membra distrahitis, et in servitutem redacta quasi vile mancipium in vestrum dominium redigitis, et divini juris libertatem vestro obsequio mancipatis, dicentes omnia imperatoris juri esse subjecta, episcopatus, abbatias, omnes omnino Dei ecclesiæ, cum Dominus diicat : « Ecclesiam meam (*Matth. xvii*), columbam meam (*Cant. ii*), oves meas (*Joan. xxi*). » Paulus dicit : « Nemo assumit sibi honorem, nisi qui vocatus est a Deo tanquam Aaron (*Hebr. .v*). » In parte tua quis præficitur, nisi quem aut gratia exhausto senore, vel munus a manu, vel munus a lingua, vel munus ab obsequio attraxerit ? Quis moribus, quis honestate, quis vitæ integritate eligitur ? Persequendi sunt itaque lupi, vitandi sunt universi qui ad hoc, ut hæretici flant, promoventur, qui lepram Giezi cum divitiis suis possident, et, mala quæsita mercede, non tam patrimonium facultatum quam thesaurum criminum congregarunt.

D Quia itaque nec gratis datis, nec gratis accepistis (*Matth. x*), et a mandatis Domini declinantes, maledicti estis (*Psal. cxviii*), et quia non obeditis apostolicis præceptis, formidamus commisceri vobis. Dicit namque beatus Ambrosius : « Si qua est Ecclesia, quæ apostolicæ veritatis fundamenta non possidet, ne quam tibi labem possit ingerere, deserenda est. His enim legibus adulta, talibus est documentis exulta, hujusmodi institutionibus est propagata. Qui his adversatur, qui ista dissimulat, qui hanc veritatis lucernam sub modo abscondit (*Matth. v*), non pastor Ecclesiæ, sed inimicus existit, et de ejus manus pereuntium sanguinem Dominus requirit (*Ezech. iii*). Si ergo Christum causam perditionis

enorum, ad quos missus est, et vocem ejus non audierunt, dicere non presumis, nec Paulo audes ascribere stultitiam gentium et scandalum Judaeorum (*I Cor.* 1), a nostra quoque detractione lingua compescere, qui compellimur dicere veritatem sicut per prophetam Dominus cominatur: Sacerdos ingrediens et regrediens nisi sonitum dederit, morietur (*Exod.* xxviii). Item: Maledictus qui prohibet gladium suum a sanguine (*Jer.* xlvi).

Innocentius papa: « Error cui non resistitur approbatur, et veritas cum minime defenditur approbitur. » Item eiusdem: « Negligere quippe cum possis perturbare perversos, nihil est aliud quam sovere, nec caret scrupulo societatis occultae, qui manifesto facinori desinit obviare. »

Pius papa: « Quid prodest illum errore suo non pollui, qui consensum praestat erranti? Sine dubio contra mandata dimicat, et qui consensum praestat erranti. »

Clemens: « Certissimum est quod neque amicitia, neque propinquitas generis, neque regni sublimitas, homini debet esse pretiosor veritate. »

Fabianus: « Qui omnipotenter metuit Deum, nec contra Evangelium, nec contra apostolos, vel contra prophetias, aut sanctorum Patrum instituta agere aliquid ullo modo consentit. »

Leo: « Qui alias ab errore non revocat, seipsum errare demonstrat. »

Augustinus: « Quisquis metu alicujus potestatis veritatem occultat, iram Dei super se provocat, quia magis timet hominem quam Deum. »

Gregorius: « Consentire videtur erranti, qui ad resecanda ut corrigi debeant, non occurrit. » Non igitur quod propter bonum et licitum facimus, sicut superius dictum est, nobis, si quid mali inde acciderit, imputabitur.

Quod autem dicas, qui universalis Ecclesiae curam suscipimus, licet inviti, nunquid vita comite ad tam inhumane facinus pertrahi debuisti ut temerares torum matris tuæ et patris tui? Et si violentiam sustinuisti, cur saltem jam adulter non resipisci?

Quod autem obsecras, per Jesum, ne nobilissimam seminarum amplius circumveniam, deludam et fallam, Deum testem invoco, nihil terrenum, nihilque carnale in ea vel ab ea ex intentione concipisco, et sine intermissione oro ut ab hoc saeculo nequam cito eripi merear, nimio affectus odio, quia incolatum meum prolongari (*Psal.* cxix) video, serviens die ac nocte in custodiendo illam Deo meo,

A et sanctæ matri meæ Ecclesie, cujus præceptio mihi commissa est; et spero quod multa mihi retributio per gratiam Dei in ejus custodia excrescat, quæ non in vanum sua dispergit, sed indeficientem in cœlo thesaurizat sibi thesaurum quem linea non demolitur, ubi fures non effodiunt nec surantur (*Matth.* vi), parata pro defensione justitiae non solùm terrena omnia distribuere, sed usque ad sanguinem pro vestra confusione et reverentia ad sanctæ Ecclesie gloriam et exaltationem certare, donec tradat Dominus inimicum suum in manu feminæ.

Tu vero memento unde excideris, et age pœnitentiam (*Apoc.* ii), si forte remittat tibi Dominus (*Act.* viii), ut nos, redditæ pace Ecclesie, voti nostri

B mereamur fieri compotes. Depone cidarim, aufer coronam (*Ezech.* xxi) et indue lugubribus vestibus, tanto humilior et abjectior omnibus effectus, quanto præ omnibus differentius superbiæ extulisti cornu. Dic regi tuo ut cognoscat aliis omnibus generationibus inauditum facinus suum, qui duos jam adulteros matri sue ingressit, et calamitates totius orbis, illam præcipue, de qua superius diximus, tecum defleat, que novo sceleri nova justo Dei judicio succedit. Veni ad dolentein et pro te gementem matrem Ecclesiam, ut ipsa pro te offerat sacrificium acceptum Domino. Sola enim est per quam sacrificium libenter Dominus accipit, sola quæ pro errantibus fiducialiter intercedit, extra quam quicunque inventus fuerit, peribit regnante diluvio, extra quam quicunque agnum comedenter, profanus est, de cuius carnis lex efferrari foras prohibet (*Exod.* xii). In multis quidem estis secum, sed in hoc nolite gaudere: Illud potius timete quod in eodem psalmo sequitur: « Contaminaverunt testamentum ejus (*Psal.* liv). » Sicut non profuit Pilato et Herodi vincitus et flagellatus Christus, sic ad impietatem et perditionem vestram magis officiant sacramenta ejus.

Cum fiducia veni ad pinguedinem matris Ecclesie, a cuius utero errasti, ut coalescas ei. Potens enim est Deus iterum te inserere, cui nihil est impossibile, et certe gaudebit in te, irruetque super cellum tuum, et prima stola induet, immolabitque vitulum saginatum pro filio prodigo. Omnipotens Deus qui vult neminem perire, qui supra maternum amorem diligit peccatores, illuminet cor tuum gratiae sue splendore et reducat ad viam salutis, ut cognoscas quæ sit voluntas ejus beneplacens et perfecta.

## INCIPIT LIBE : SECUNDUS.

Opitulante Domini Dei nostri clementia, qui nos et sermones nostros suo mirabili nutu regit, atque disponit, accingimur respondere his qui dicunt regali potestati Christi Ecclesiam subjacere, ut ei pro suo libitu vel prece, vel pretio, vel gratis liceat pastores imponere, ejusque possessiones vel in sua, vel in cuius libuerit

jura transferre. Et ne diutius exordium protrahabamus, in primis dicendum videtur quo modo certum est quod beatissimus Petrus apostolus primus Ecclesiae pontifex, prius patriarchalibus sedibus Orientis, postmodum vero primos misit pontifices civitatibus Occidentis. Ipsi enim hæc ordinatio maxime

competebat, cui principaliter Christus Dei Filius coelestis regni clavibus traditis suas oves pascere jusserset, et pro cuius fide ne desiceret specialiter oraverat, cuique fratres suos in eadem fide confirmare præceperat.

Sed et reliquos apostolos, quos reliqui mundi partibus novimus prædicasse, singulis urbibus, illarum partium quibus quisque verbum Dei prædicavit, itidem pastores non dubitamus misisse. Et quomodo, Spiritu sancto docente, cognoverunt sæculi principes ad fidem venturos, et succendentibus temporibus stimulante avaritia quosdam eorum Dei Ecclesiam suæ ditioni velle subjicere, suaque auctoritate et libitu Pastores eidem subrogare, inter reliquos canones, quos pro religionis cautela, et ecclesiastica disciplina statuerunt, eorum pravis conatusbus hac constitutione obviaverunt, quæ ita se habet: « Si quis episcopus secularibus potestatibus usus, Ecclesiam per ipsos obtineat, deponatur et segregetur, omnesque qui illi communicant (*Constitut. apostol.*). »

Hanc autem constitutionem, quæ eorum scribitur, si quis authenticam non esse contendet, sanctæ septimæ universalis synodi cccl. Patrum, nec non et Antiochenæ synodi, quibus authentica esse docetur, eversor; ac per hoc hæreticus judicabitur: Nam et Calistus et Gregorius et quidam alii Romani pontifices, ut curioso lectori notum est, eorundem apostolicorum canonum auctoritate suas constitutiones firmaverunt. Stephanus vero quartus et Joannes septimus, ut ait Anastasius in prologo septimæ synodi, quinquaginta capitula eorundem canonum in plenissimum auctoritatis robur recipi censuerunt.

Porro eisdem apostolis decadentibus, Ecclesiæ ubique terrarum consuetudinem ab eis traditam involabili servaverunt, ut decadente cujuslibet Ecclesiæ pontifice, clerus et populus ejusdem communis deliberatione de suo vel alterius Ecclesiæ clero sibi pastorem præsicerent. Et hæc tam sancta tamque Deo grata consuetudo tanti integra illibitaque permanit, quounque fidelium multitudine Dei ecclesiæ amplissimis possessionibus ditare cœpit. Tunc enim ambitionis Spiritu interveniente, alii suarum, alii etiam aliarum Ecclesiarum cœperunt episcopatus ambire, et nefandi Simonis commercio suis fautoribus, etiam quam non habebant pecuniam promittere. Quod videntes Deo dignissimi Romani pontifices, qui sacerdotium primatum in toto orbe tenebant, scilicet Bonifacius, Cœlestinus, Leo, Gelasius, Symmachus, Hormisda, Gregorius, alii, Simoniacam hæresim prius a Petro damnatam, ex tunc et in æternum damnaverunt, alii priscam consuetudinem decretalibus constitutis ita firmaverunt ut statuerunt nullum ex alia Ecclesia alii Ecclesiæ præponi, nisi forte qui suæ dignæ præsiceretur Ecclesiæ in eadem, quod ipsi vix posse contingere crediderunt, nullatenus posset inveniri.

Hanc itaque quam prædixi consuetudinem ab apostolis traditam nullatenus violare præsumpserunt Christianissimi imperatores, Constantinus, Con-

stantius, Valentinianus, Theodosius, Arcadius, Honorius, Carolus, Ludovicus et his imperio et religione consimiles, qui vel a se vel ab aliis ædificatas Ecclesias amplissimis donis ditaverunt, et in clero et rebus Ecclesiarum nullum sibi dominium vel judicium vindicare voluerunt, imo ne quis sibi vindicaret, quidam eorum, ut in sequentibus docebimus, legibus vetuerunt.

At contra Zenon et Anastasius imperatores Eutychianistæ, hi leguntur prius sanctam Dei Ecclesiam sibi subdidisse, ita ut catholicos episcopos in exilio relegarent, et apostolica traditione postposita sibi consentaneos in eorum sedibus videlicet subrogarent. Nam ante horum tempora leguntur quidam hæretici imperatores catholicos episcopos multis modis vexasse; electioni vero et promotioni cujuslibet pontificis nusquam leguntur se immiscuisse, siquidem sub eisdem Eutychianistis et Constantinopoli et in reliquis urbibus, legitur innumerabilis fidelium multitudo cleri scilicet et populi, exstitisse, quod pseudoepiscopos eorumdem nullatenus voluerunt suscipere, ut ex hoc aperte clareat, eundem clericum et populum idcirco eosdem pseudoepiscopos respuisse, quia constabat eosdem absque sui electione in Dei contemptum, et erroris augmentum a præfatis principibus promotos fuisse.

Et ut exemplo quod dicimus astruamus: Anastasius S. Ecclesiæ Romanæ bibliothecarius, in Chronica quam de Græco in Latinum sermonem transluit, quamque ex vetustissimis Chronicis Græcorum compilaverunt quidam Græci, Dei cultores, Theophanes scilicet et Georgius, quos idem in ejusdem libri præfatione miris laudibus attollit, in eadem, inquam, Chronica de imperio Anastasii sic inter cetera scribit: « Vicesimo imperii Anastasii anno, Joanne Alexandrino antistite hæretico mortuo, Diocorus Junior prælatus est episcopus. Alexandriæ. Cum autem venisset Constantinopolim pro Alexandrinis apud imperatorem intercessurus, propter occisionem filii Calliopii Augustalis, ab orthodoxis publice conviciis appetebatur cum procederet, testimoniis eum contra recta dogmata advenisse, ergo cum ob homicidium intercessisset cum festinatione discessit. Causa vero cœdis ista fuit: Cum idem Diocorus manus impositionem accepisset, recesserunt multitudines rusticorum dicentes: Quia, nisi secundum quod sanctorum apostolorum canones continent fiat episcopus, non recipietur. Principes vero inthronizaverunt eum. Diocorus vero venit ad Sanctum Marcum, et venientes clerci induerunt eum secundo, et iterum consecraverunt. Et ita veniens ad Sanctum Joannem perfecit collectam. Cum autem esset illic Theodosius filius Calliopii Augustalis, et Acacius magister militum, turbæ turbatæ, cœperunt injuriis afficere filium Augustalis, eo quod laudaret imperatorem Anastasium. Cum vero jurgiu[m] motu fuisse, insilientes quidam a sede posuerunt filium Augustalis, et interemerunt eum: at vero Acacius magister militum, quotquot capere potuit, interfecit.

Quod audiens imperator, iratus est adversus eos, Porro Dioscorus interveniens mitigavit eum.

Ecce qui primum apostolicam traditionem de pontificali promotione ausi sunt violare, ecce quibus primum auctoribus saeculi principes suos pontifices nituntur Dei Ecclesiae promovere: Et ut cœpta persequamur, saeculi sunt horum exempla hæreticorum quidam Græcorum imperatores, regni sui urbibus, suos episcopos imponentes. Romanæ vero urbi Deo præstante meritis apostolorum qui in ea vivunt et præsident, in hoc pepererunt, decretum tamen electionis futuri pontificis a clero et senatu subscriptum prius, quam idem consecraretur, sibi mitti statuerunt. Quod cum legatur eisdem imperatoribus, sæpe directum fuisse, nusquam tamen legitur eosdem Romanorum electionem mutasse. Hoc autem quia Deo contrarium erat, ut Ecclesia pontifice ciceret, usque dum qui decretum serebat iret et rediret, penitus respuerunt sequentes imp. pietate religioneque præstantes. Sic enim legitur in Romano Pontificali: « Benedictus enim natione Romanus suscepit jussiones clementissimi principis Constantini ad venerabilem clerum, et populum Romanæ civitatis, per quas concessit, ut qui electus fuerit pontifex e vestigio consecretur absque tarditate. »

Itaque qui advertit alios Græcorum imperatores ante consecrationem decretum sibi mitti voluisse, attendat eosdem Romanam electionem nunquam reprobasse; attendat etiam posteros eorumdem, quia hoc contrarium Deo erat, penitus respuisse. Itaque percurramus sanctorum Patrum decreta quæ de pontificium promotione statuerunt, ut sciamus quid juris imperatoribus suorum vel quorumlibet temporum illi eisdem servaverunt.

Leo doctor eximus et primus Ecclesiae Romanæ pontifex, Anastasio Thessalonicensium episcopo, qui vices Romani pontificis super quadraginta episcopos Illyrici et Græciae habebat, sic inter cætera scribit: « De persona consecrandi episcopi, et de cleri plebisque consensu metropolitanus fraternitati tua referat: » Et paulo post: « Metropolitanus vero defuncto, cum in loco ejus alias fuit subrogandus, cōprovinciales episcopi ad civitatem metropolim conveniant, ut omnium clericorum atque omnium civium voluntate discussa, ex presbyteris ejusdem Ecclesiae vel ex diaconibus optimus diligatur. Cum ergo de summi sacerdotis electione tractabitur, ille omnibus præponatur quem cleri plebisque consensus concorditer postulaverit, ita ut si in aliam forte personam partium se vota diviserint, metropolitani iudicio is altari præponatur qui majoribus et studiis juvatur et meritis, tantum ut nullus invitatis et non petentibus ordinetur, ne civitas episcopum non optinet aut contemnat aut oderit, cui non licuerit habere quem voluit: » Item idem: « Nulla ratio sinit ut inter episcopos habeantur qui nec a clericis sunt electi, nec a plebe expetiti, nec a provincialibus cum metropolitani iudicio consecrati. »

Cœlestinus: « Nec emeritis in suis Ecclesiis pere-

A grini et extranei, et qui ante ignorati sunt, ad exclusionem eorum qui bene suorum merentur civium testimonium præponantur. » Item ibidem: « Nullis invitatis detur episcopus; cleri plebis et ordinis consensus et desiderium requiratur. Tunc alter de Ecclesia eligatur altera, si de civitatis ipsius clericis, cui est episcopus ordinandus, nullus, quod evenire non credimus, potuerit inveniri. Primum enim illi reprobandi sunt, qui ibi sunt, ut aliqui de alienis Ecclesiis merito præferantur. Habeat unusquisque fructum militiæ sua in ecclesia in qua suam per omnia officia transegit ætatem, in aliena stipendia minime alter obrepat. Sit facultas Cleris renitendi, si se viderint prægravari, et quos sibi ingeri ex transverso cognoverint non timeant refutare. Quod si non debitum præmium, vel liberum de eo, qui eos est recturus, debent habere judicium. »

Gregorius Gaudioso episcopo inter cætera: « Et ideo fraternalis tua ad prædictam Ecclesiam irresuperabit, et clerum plebemque admonere festinet, ut res oto dissidio uno eodemque consensu tam præficiendum sibi expertant sacerdotem qui a venerandis canonibus nullatenus respualtur. Qui dum fuerit postulatus, cum solemnitate electus, omnium subscriptionibus roboratus et dilectionis tuae testimonio litterarum ad nos sacrandus occurrat. Commonemus etiam ut nullum eligi permittatis de altera Ecclesia, nisi forte inter clericos ipsius civitatis nullus ad episcopatum dignus, quod evenire non credimus, poterit inveniri, provisurus ante omnia ne ad cuiuslibet conversationis meritum lascivæ personæ aspirare præsumant, et tu periculum ordinis tui, quod absit, incurras. »

Ex concilio Niceno Patrum cccxviii, cap. 6: « Per omnia autem manifestum est quia, si quis præter voluntatem et conscientiam metropolitani episcopi fuerit ordinatus, hunc concilium magnum et sanctum censuit non debere esse episcopum. Sane, si communis omnium consensu rationabiliter probato secundum ecclesiasticam regulam, duo vel tres animositate ducti per contentionem contradicunt, obtineat plurimorum sacerdotum sententia. »

Ex viii synodo universalis habita a v patriarchis, cum cccl Patribus, sub Adriano primo pontifice, cap. 5: « Omnis electio episcopi vel presbyteri aut diaconi a principibus facta, irrita maneat, secundum regulam quæ dicit: Si quis episcopus sæcularibus potestatibus usus Ecclesiam per ipsos obtineat, deponatur et segregetur, omnesque qui illi communient. »

Ex viii synodo, item universalis, habita a v patriarchis cum Patribus ccxl, sub Nicolao primo pontifice: « Promotiones et consecrationes episcoporum, concordans prioribus conciliis, electione ac decreto episcoporum fieri, hæc sancta et universalis synodus definit, et statuit atque jure promulgavit neminem laicorum principum vel potentum semet inserere electioni vel promotioni patriarchæ, vel metropolitæ.

aut cuiuslibet episcopi, ne videlicet inordinata hinc, et incongrua fiat confusio vel contentio, praesertim cum nullam in talibus potestatem quemquam potestativorum laicorum habere conveniat, sed potius silere et attendere sibi, quoque regulariter a collegio Ecclesiae suscipiat finem electio futuri pontificis. Si quis vero laicorum ad concertandum et cooperandum invitatur ab Ecclesia, licet hujusmodi cum reverentia, si forte voluerit se obtemperare **asciscientibus**, tauter enim dignum pastorem sibi regulariter ad suam salutem Ecclesia promovet. Quisquis autem saecularium principum aut potentum, aut alterius dignitatis laicus, adversus communem ac consonantem atque canonicam electionem ecclesiastici ordinis agere tentaverit, anathema sit, donec obediatur et consentiat, quod Ecclesia de electione atque ordinatione proprii praesulii se velle monstraverit. »

Item ex concilio Antiocheno cxxii: « Si quis presbyter vel diaconus per saecularem dignitatem Ecclesiam Domini obtinuerit, dejiciatur, et ipse et ordinator a communione modis omnibus abscondantur, et sub anathemate sint, sicut Simon Magus a Petro. »

Ex synodo Symmachi pontificis cum ducentis et octodecim episcopis: « Non placuit laicos ad statuendum aliiquid in Ecclesia habere aliquam potestatem, cui subsequendi manet necessitas, non auctoritas imperandi. » In eadem: « Defuncto pontifice, si in unum totius inclinaverit ecclesiastici ordinis electio, consecretur episcopus. Si vero, ut fieri solet, studia coepirint esse diversa, convincat sententia plurimorum. »

Ex Romano Pontificali: « Beneoictus natione Romanus fecit constitutum in ecclesia beati Petri apostoli, in quo sederunt episcopi septuaginta duo; presbyteri Romani triginta tres, presente clero, sub anathemate, ut nullus, pontifice Romano vivente, aut episcopo civitatis sue, presumat loqui aut sibi partes facere, nisi tertio die depositionis ejus, adunato clero et filiis Ecclesiae, et tunc electio fiat. » Ex eodem: « Stephanus natione Siculus, congregatis episcopis totius Tusciae atque Campaniae, consentibus pariter duodecim episcopis Francorum et Romanis presbyteris, in presentia totius cleri et populi, concilium fecit in ecclesia Constantiniana, in quo damnavit Constantinum neophyllum invasorem sedis apostolice, et allatis sacris canonibus, eisque liquido perscrutatis, prolata est sententia ab eodem concilio sub anathematis interdicto, ut nullus unquam laicorum neque ex alio ordine presumat nisi per distinctos gradus ascendens diaconus aut presbyter factus fuerit cardinalis, ad sacram pontificatus honorem promoveri. »

Ex concilio Leonis IV, episcoporum L, cap. 5: « Si quis sacerdotibus, seu primatibus nobilibus, seu caetero clero hujus sanctae Romanae Ecclesiae electionem Romani pontificis contradicere presumperit, sicut in concilio beati Stephani legitur statutum,

**A** anathema sit. Item quod electio pontificis non pertineat laicis tantum. »

Ex concilio Laodicense, cap. 12: « Non est permittendum turbæ electiones eorum facere, qui sunt ad sacerdotium provehendi. »

Item ex decreto Cœlestini pontificis: « Docendus est populus, et non sequendus, nosque, si nesciunt eos quid licet, quidve non licet, commonere, non consensum præbere debemus. »

**B** Decursis itaque tot sanctorum Patrum auctoritatibus, Latinorum scilicet et Græcorum, patet nihil juris imperatoriæ potestati in pontificum electione seu promotione ab eisdem attributum esse, imo ne qua laicalis potestas sibi quidquam in his vindicit, a quibusdam eorum sub anathemate, hoc est, separatione a Deo, inhibitum fuisse. Et certe sub præfatis Romanis pontificibus, leguntur exstissem potentiissimi imperatores, non solum Orienti, sed etiam Occidenti imperantes, scilicet Valentinianus et Theodosius Juniores, Martianus, Mauricius et Phocas. Et cum præfatae universales synodi, id est, prima et septima a tot Patribus agerentur, Nicæa, Christianissimi imperatores Constantinus et item Constantinus et Irene mater ejus adfuisse leguntur; sed et Basilio magno imperatore petente et præsente, legitur octava synodus item universalis Constantinopolis celebrata fuisse. Itaque, cum prima earum censeret non babendum quemquam episcopum sine concilio metropolitani septima vero trium sacrorum ordinum electionem a principibus prohiberet fieri; octava vero sub anathemate interdiceret pontificum electionem laicali potestati. Nunquid qui præsentes aderant imperatores questi sunt hoc ad sui contemptum fieri, ut nihil de pontificum electione eorum quidem referretur potestati? Imo potius leguntur sanctorum Patrum constitutiones amplexati fuisse, easque quidam eorum, post quinque patriarcharum subscriptiones suis quoque subscriptionibus reborasse. Item, cum contingerebant præfatos Romanorum pontifices de pontificum electione decernere, contigit suorum temporum imperatores hoc ad sui imperii injuriam fieri questos fuisse? Non equidem.

**C** Sunt autem quidam, eorum contra quos scribimus, qui putant se quidam magni in sui defensione adinvenisse, cum introducunt Gregorium et Ambrosium a saeculi principibus ad pontificatum promotos fuisse. Quod quia frivolum, quiaque falsum sit, evideat iudicioclarebit; collatis eorum electionibus cum cap. 8 synodi, quod supra scripsimus. Nam quamvis multorum annorum interstitio a se distent, tamen ita sibi concordare videntur ut et synodus et eorum electio vel promotio, uno eodemque Dei Spiritu acta fuisse probentur. Sic enim in gestis eorum describitur vel scriptum habetur: « Gregorium, licet totis viribus retinentem, clerus, senatusque et populus Romanus sibi concorditer pontificem sibi delegerunt. At ille cum decretum generalitatis evadere nequivit, consensurum se tandem aliquando simu-

lavit, et imperatori Mauricio, cujus filium ex lava-  
cro sancto suscepserat, latenter litteras destinavit,  
adjurans, ne unquam assensum populis præberet,  
ut se hujus honoris gloria sublimarent. Sed præfe-  
ctus urbis, Germanus nomine, ejus nuntium antici-  
pavit comprehensumque ac disruptis epistolis, con-  
sensum quem populus fecerat imperatori direxit.  
At ille gratias agens Deo pro amicitia diaconi, eo  
quod locum deserendi ei honoris, ut cupierat, repe-  
risset, ipsum ordinari præcepit. » (*Ex Gestis Grego-  
rii.*)

Item in *Gestis Ambrosii*: « Cum populus magis  
magisque acclamaret : Peccatum tuum super nos.  
Cumque ille videret suam intentionem nihil posse  
proficere, fugam paravit, egressusque noctis medio  
civitatem cum Tycinum se pergere putaret, mane ad  
portam civitatis Mediolanensis quæ dicitur Romana,  
invenitur. Cumque inventus custodiretur a populo  
missa relatione ad imperatorem clementissimum  
Valentinianum, qui hoc summo gaudio accepit,  
quod judices ad se directi ad sacerdotium peteren-  
tur. »

Ecce ex his et præfato capite patentissime colligi-  
tur, juxta priscam consuetudinem præfatos pontifices  
electos fuisse; sed quia nullatenus promoveri  
patiebantur, cum in alterius electione præfectus vice  
Romanorum, Mauricii; in alterius vero populus  
Valentiniani legitur auxilium expetisse, patet pro-  
fectio, juxta cap. 8 synodi, Ecclesiam sacerulares  
potestates in sui adjutorium invitasse, easque non  
imperio sed obedientia tunc usas fuisse. Quod qui-  
dem non videtur nobis fieri non licere, si contingat  
dignum quemlibet consensum in sui promotionem  
præbere regalem vero potestate in contingat in ea-  
dem dioecesi adesse, ut Valentinianus tunc in Medio-  
lanensi legitur adfuisse. Ut autem quæratur extra  
diocesim, cum longo intersticio possit abesse, ab-  
surdissimum est, cum sanctissimorum Patrum legibus  
statutum sit ne intra tres menses viduatam reli-  
quant Ecclesiam a pontifice.

Quod vero in *Historia tripartita* legitur Valenti-  
nianus imp. dixisse Ambrosio : *Deus tibi commisit  
animas, ego corpora*; quam pessime cohæreat præ-  
cedentibus, qui legit intelligat. Valde enim contra-  
rium videtur, et hoc eum dixisse, et ut a se pontifex  
eligeretur, quod ibidem præmissum est, nullatenus  
coconsenserit. Hoc autem nihil nobis adversatur, cum  
beatus Gregorius eamdem Historiam mendozam et  
a Romana Ecclesia repudiatam affirmet.

Sunt item qui objiciunt : Nicolaum Juniorem  
decreto synodi constituisse, ut obeunte apostolico  
pontifice successor eligeretur, et electio ejus regi  
notificaretur. Facta vero electione, et ut prædictum  
est, regi notificata, ita demum pontifex consecra-  
tur. Quod si admittendum est, ut ratione factum  
dicatur, objicimus ad hoc consulandum præfatum  
regem et optimates ejus se ea constitutione indignos  
fecisse, priimum quia postea præfatum Nicolaum,  
Coloniensem archiepiscopum pro suis excessibus

A corripuisse, graviter, tulerunt, eumque hujus gra-  
tia, quantum in se erat, a papatu deposuerunt, et  
nomen ejusdem in canone consecrationis nominari  
vetuerunt; ideoque decretum ejus de jure irritum  
esse debilit, quia cum a toto orbe papa haberetur  
juxta eorumdem sententiam eisdem papa non fuit,  
quasi non ex Dei sed eorum tantum penderet vo-  
luntate, quempiam quemlibet esse vel non esse;  
Romanus enim pontifex, ut sapientes norant, non  
modo deponi, sed etiam nullo Christiano jure a quo-  
libet potest judicari. Deinde quia cum in eodem  
decreto cautum esset ut Romæ pontificis electio a  
Romano clero et populo agerent, et postea regi  
notificaretur, ipsi præfatum decretum violantes,  
elegerunt quod eis non licet, prius Cadalaum  
B Parmensem, postea Wibertum Ravennatem, in-  
duentes eos apostolicis insignibus, vocantes apo-  
stolicos apostatas, Antichristi præcessores. Præ-  
terea autem præfatus Wibertus aut sui ut sue  
parti favorem ascriberent, quedam in eodem decreto  
addendo, quedam mutando, ita illud reddiderunt a  
se dissidens, ut aut pauca aut nulla exemplaria sibi  
concordantia valeant inveniri. Quale autem decre-  
tum est, quod a se ita discrepare videtur, ut quid  
in eo potissimum credi debeat, ignoretur?

Sed ut tandem invincibili gladio feriamus, præ-  
fatus Nicolaus, unus scilicet patriarcha, cum quolibet  
episcoporum concilio, non potuit abrumpere, imo nec mutare, non obviantia fidei, præfata de-  
creta sanctorum quinque patriarcharum, scilicet  
C Romani, Alexandrii, Antiocheni, Jerosolymitani,  
Constantinopolitani, et ut ex numero præfatis syno-  
dis apposito colligi potest, sanctorum Patrum, nu-  
mero ccx et eo amplius, tot quidem leguntur præ-  
fatas constitutiones suis temporibus statuisse, in  
quibus non inveniuntur quidquam regiae potestati  
in pontificum electione seu promotione concessisse  
imo, ut prædictum est, considentibus cum eis Chris-  
tianissimis imperatoribus et non contradicentibus,  
leguntur sub perpetuo anathemate vetuisse. Quod si  
hoc vindicandum est ex Græcorum imperatorum  
consuetudine, vel ex Ambrosiana vel ex Gregorianâ  
electione, constat, ut præmissum est, eosdem ipso  
hoc veluti Deo adversum respuisse, eorumdem vero  
D pontificum electionem et promotionem viii synodo  
quamvis præpostere concordasse.

Et quamvis decretum, de quo agimus, a præfatis  
Ecclesiæ legibus penitus enervetur, videamus tamen  
adhuc quid de eo iterum Ecclesiæ et sæculi leges  
censeant, ut penitus evacuetur. Ex synodo papæ  
Hilarii, cap. 4 : « Illud quod quisque commisit epi-  
scopus illicite aut et a decessoribus invenit adminis-  
trum, si proprium vult vitare periculum, damnabit :  
Nam in se, quidquid in alio non resecabit, inveniet. »

Gelasius Cresconio Joanni et Messalæ episcopis  
inter cætera : « Decessorum statuta sicut legitima  
et justa, successorem custodire convenit, ita debet  
etiam malefacta corrigerre. »

Pelagius Armentario magistro militum, inter cæ-

tera : « Postea quam Ecclesiæ jura documentorum quoque intercedentium fuerint auctoritate firmata, nullatenus ab his discedendi liberam pontifex vel si velit permittatur habere licentiam. »

Adrianus Engelramino : « Constitutiones contra sancta decreta Romanorum præsulum, nullius sint momenti. »

Gregorius in Registro : « Imperiali constitutione aperte sancitum esse ut ea quæ contra leges sunt, non solum inutilia, sed etiam pro infectis habenda sint. »

Ex Romanis legibus : « Id tantum de sacra responsione substantiam mutuetur, quod legum auxilia prosequuntur. » Item : « Generale præceptum beneficio speciali anteferendum est. » Et item : « Contra jus rescripta non valeant, quocunque modo fuerint impetrata. Quod enim publica jura prescribunt, magis sequi judges debent. » Et infra : « Personalia rescripta quæ cum jure concordant, valeant more veterum, et negotii de quo loquitur nostra rescriptio finis latæ sententiæ terminis censetur. Speciale autem si quid legibus ac juri importat injuriam, abolitum extirpetur. » Item : « Illa sacra uniuscujusque supplicantis desiderio concessa prævaleant, et effectui mancipentur, quæ cum juris et legum ratione concordant : ea vero quæ surreptione vel falsis precibus forsitan impetrantur, nullum supplicantibus ferant remedium. »

His itaque decursis patet præfatum decretum nullius momenti esse, nec unquam aliquid jurium habuisse. Et hæc dicens non præjudice beatæ memoriae papæ Nicolao, nec quidquam ejus honori derogo, Patrum sententias Dei Spiritu conditas sequendo. Homo quippe fuit, eique ut contra fas ageret subripi potuit. Nec mirum hoc eidem contigisse, cum quidam ipsius decessor inveniatur quidam decrevisse, et meliori usus consilio postea immutasse. Siquidem Bonifacius secundus legitur ex decreto constituisse Vigilium diaconum sibi in pontificatu succedere. Quod quia Romano clero visum est canonibus adversari, praesente clero ab eodem suppositum est igni, ante confessionem beati Petri apostoli. Et certe præfatus Nicolaus divino metu concussus hoc idem fecisset, si tot Patrum sententias tunc in unum collectas, vidisset, easque suo decreto tam concorditer adversari perpendisset.

Beatus quoque Augustinus librum Retractionum composuit, in correctionem eorum quæ prius incaute descripsit, et ut idem quisque sapiens faciat, bis verbis commonefacit : ait enim in proœmio ejusdem libri : « Neque enim quisquam nisi impudens, ideoque mea errata reprehendendo me reprehendere audebit. Sed et si dicit, non debuisse ea a me dici, quæ postea mihi etiam displicerent, verum dicit. et tecum facit : eorum quippe reprehensor est, quorum et ego sum : sed sicut volet quisque accipiat hoc quod facio, me tamen apostolicam sententiam etiam in hac re oportet intueri. Quæ

A dicit : *Si nos ipsos judicaremus, a Domino non judicaremur (I Cor. ii).*

Excommunicatio autem quæ in præfato decreto terribiliter profertur a Wiberto, aut a suis fautoribus. Indita creditur, quoniam in antiquioribus ejusdem decreti exemplaribus, longe aliter habetur. Et hæc quidem veniet super eos qui eam ibidem in sui favorem indiderunt, et super eos qui eam timendam esse dicere presumunt : super illos quidem, ut incident in foveam quam foderunt, et ut apprehendat eos captio quam occultaverunt : super hos autem, quoniam ille trepidaverunt timore ubi non esset timor, quoniam Dominus in generatione justa est. Nam si in generatione justa est, in præfatis Patribus fuit, et per eos locutus est, ideoque illorum maledictio sicut Dei pavenda est. De maledictione vero illorum qui eorumdem Patrum decretis non obedient, dicit idem Dominus per prophetam : « Benedic maledictionibus vestris (Malach. ii); » et item : « Maledicent illi et tu benedices (Psal. cxviii). » Et Salomon : « Sicut avis in contrarium volans, et passer quilibet vadens : sic maledictum frustra prolatum super eum veniet qui misit illud (Proverb. xxvi). » Illoc contra decretum cuius se Wibertus auctoritate defendit, ut doceat se esse quod non est, nec unquam esse poterit.

C De numero vero annorum quibus hæc damnabilis consuetudo permanisse dicitur, ut sæculi potest : pro suo libitu pontifices promoveat, jure causari non potest. Nam de diversis consuetudinibus, illa potissimum sequenda est, quæ cum originem sunnet, catholicos Patres suorum priorum Patrum vestigia sectantes auctores habuit, sicut Patres septimæ et octavæ synodi secuti sunt statuta sanctorum Patrum Romanorum pontificum, et illi consuetudinem ab apostolorum temporibus, per omnes Ecclesiæ observatam. Ea vero perversitas, quæ a sæculi principibus superinducta est, non præjudicat eidem sanctæ consuetudini quantilibet temporum obtinuerit curricula. Alioqui Dominus Deus noster culpandus est, qui filios Israel longissima consuetudine sub servitute detentos, tum sub Pharaone, tum sub Cyro vel Dario liberavit, et humanum genus spiritus diaboli servitute longa consuetudine detentum, post quinque millia annorum curricula propria morte redemit. Præterea cum Veteris et Novi Testamenti legibus adulterium inhibitum sit, si qui reges adulterium commiserint, nunquid eorum auctoritate posteri reges adulterari sibi licitum putabunt? Absit.

D Et quidem certum est regum contra leges commissa nullatenus sequenda esse, leges vero ab eisdem calcatas in suo statu manere debere. Hinc est quod sancti Dei martyres et Romani pontifices in suis statutis inseruerunt dicentes : « Non licet imperatori vel unicam pietatem custodienti aliquid contra divinitatis mandata præsumere. Injustum enim judicium et definitio, regis metu vel iussu a judicibus ordinata, non valeant : nec quidquid con-

tra Evangelicæ vel propheticæ aut apostolicæ doctrinæ constitutionem sive sanctorum Patrum actum fuerit, stabit, et quod ab infidelibus et hereticis sanctum erit, omnino cassabitur.

Item Adrianus ad Engelramnum episcopum cap. 48: « Item generali decreto constituimus ut excommunicatum anathema fiat, et veluti prævaricator catholicæ fidei seipso apud Deum reus existat, quicunque Regum vel potentum deinceps canonum censuram in quocunque crediderit vel permiserit violandam. » Item idem ad eundem: « Constitutio-nes contra sancta decreta Romanorum præsumum, nullius sint momenti. »

Si autem omnis plantatio, quam Pater coelestis non plantavit, eradicabitur, et si, ut prædictum est, quod ab infidelibus et hereticis actum fuerit, omnino cassabitur, nunquid hæc impietas Eutychianistarum imperatorum cassari, et eradicari non debet? Certe quisquis ecclesiasticus pro suo officio vehementer non accenditur, ut tanta pravitas a Dei domo radicitus evellatur, zelo ejusdem domus Dei non comeditur, et apud Deum canis mutus latrare non valens reputatur. Quis enim non advertat hanc pestem seminarium esse Simoniacæ heresos, et totius Christianæ religionis lamentabilem destructio-nem? Nempe cum dignitas episcopalnis a principe adipisci posse speratur, contemptis suis episcopis ac clericis Dei Ecclesia deseritur, et ab aliis quidem ingens pecunia aulicorum marsupiis infunditur, ut eorumdem suffragia ad tam nefariam promotionem mercantur, ab aliis infinitæ pecuniae dispendio plus decennio in sæculari curia deservitur, aestus, pluviae, frigora, et cætera incommoda patientissime tolerantur; ab aliis autem vel sui pastoris, vel cuius honorem ambiunt mors incessanter optatur, ab alio alii vehementer invidetur, dum quod sibi sperat ab eo subripit posse putatur; ino proh dolor! in tantam Dei injuriam interdum prosilitur, ut et servis et fornicariis dignitas ista prestetur. Tales quippe cum adepti fuerint, quod taliter expeterunt, peccantes sæculi potestates, nullatenus præsumunt redarguere, quoniam ab illis se promotos fuisse meminerunt, ino ne redarguere præsumerent, promoti fuerunt. Et hi lac quidem et lanam accipiunt, sed perditissime viventes omnium salutem negligunt. Sic quippe impletur quod scriptum est: « Ruina populi sacerdotes mali (Isa. xxiv). » Et item: « Et erit sicut populus, ita et sacerdos (Ose. iv). » Sacerdotes quippe a populo non videntur distare, cum quisque certatum se popularibus actionibus studet implicare. Nam cum nemo Deo militans impliceat se sæcularibus negotiis, quidam eorum non canenum, sed canum et accipitrum studia, et reliquos mundi luxus exercent: quidam autem, quasi Deus laudet in sacerdote quod reprehendit in divite, amiciuntur geregriorum pellibus, et, relictis suis cathedralibus ecclesiis, assistunt imperatoribus, cum canones Spiritu Dei conditi prohibeant pontifices palatia regis adire, sed si qua suggestenda sunt

A per suos diacones potius intimare. Cumque idem sacri canones prohibeant sub intermissione, quemque pontificem a sua cathedrali ecclesia tribus Dominicis diebus abesse, alios quidem eorum vix ter aut quater in anno, et hos vix anno integro continet easdem revisere. Et ut soli non peccent, sed sicut ut scriptum est: « laqueus juvenum (Isa. lxii), » dant exemplum clericis suas itidem ecclesias deserere, et sub spe episcopandi regum curia mili-tare.

Sed objicitur, clericos ut divina officia principibus exhibeant, eorumdem inhabitatæ curiam oportere, quasi non sit justius apud Deum, et apud homines convenientius, quemque episcopum in cuius diœcesi contingit principem adesse, eidem idoneos et religiosos clericos ad divina mysteria celebrandæ dirigere, et pro temporis diuturnitate, qua idem ibidem moratur, alios aliis jubere succedere.

B His tantis clædibus quæ contingunt ex præfatis promotionibus, Gregorius septimus obviare cupiens, Romana synodo quinquaginta episcoporum, considente presbyterorum et abbatum multitudine, per omnia sanctis præfatis Patribus consonantia decreta statuit, dicens: « Si quis deinceps episcopatum vel abbatiam de manu aliquujus laicæ personæ suscep-rit, nullatenus inter episcopos habeatur, nec ulla ei ut episcopo aut abbatii audientia concedatur, insuper ei gratiam beati Petri et introitum Ecclesiæ interdic-tiu-mus, quoque locum quem sub criminis tam ambitionis quam inobedientiæ, quod est scelus idololatriæ, cepit, resipiscendo non deserit. Similiter etiam de inferioribus et ecclesiasticis dignitatibus, constituimus. » Item: « Si quis imperatorum, regum, ducum, marchionum, comitum, vel quilibet sæcularium potestatum aut personarum investitaram episcopatum, vel aliquujus ecclesiastice dignitatis dare præsumperit, ejusdem sententiæ vinculo se astrictum esse sciatis. »

C Et quoniam sanctorum auctoritate monstratum est, pontificum electionem sæculari potestati non subjacere, libet adhuc Christianissimorum imperatorum, quas hac de causa sanxerunt constitutiones ad medium deducere, ut pateat nobis, si quid juris in eadem causa voluerunt vindicare. Hoc enim Carolus et Ludovicus gloriosi imperatores in primo libro Capitulorum suorum statuerunt: « Sacrorum canonum non ignorari, ut in Dei nomine sancta Ecclesia suo liberius potiatur honore, assensum ordini ecclesiastico præbemus, ut scilicet episcopi per electionem cleri et populi, secundum statuta canonum de propria diœcesi, remota personarum et munierum acceptance, ob vitæ meritum et sapientiæ donum eligantur, ut verbo et exemplo sibi subjectis prodesse valeant. » Certe constitutio hæc tam consonantissima sanctorum Patrum constitutionibus esse perpenditur, ut si vel a Nicena vel qualibet etiam universalium synodorum promulgaretur, non minus Spiritu Dei per istorum ora, quam per eamdem prolatas crederetur. Hoc quippe docet hunc esse

bonorem, hanc esse libertatem sanctæ Ecclesiæ clerum scilicet eidem et populum sibi nescientem eligere debere, hoc in electione canonum statuta servanda esse commemorat, hoc Simoniacam hæresim prohibendo impugnat, hoc vite meritorum et sapientiam pastoris electione querenda demonstrat, et, quod mirum est, brevissime videtur tangere quod beatus Gregorius scribit de pontifice scilicet : « Ut quisquis perpendere debeat qualiter ad pontificatum veniat, et rite veniens qualiter doceat, et recte docens qualiter vivat. »

Patet itaque sanctorum Romanorum præsumum auctoritate et Patrum, sanctorum universalium synodorum, septimæ atque octavæ, pontificum electionem cleri et populi cujusque esse debere : patet quoque Christianissimos imperatores, Constantinum, Constantem, Valentinianum, Theodosium, Arcadium, Honorium, Carolum, Ludovicum, ceterosque fidei et religione præstantes, eamdem consuetudinem ab apostolorum temporibus observatam minime violasse. Patet etiam item Christianissimos imperatores Constantinum Magnum, et item Constantinum, et Eirenen, et Basilium, Carolum quoque et Ludovicum, præsumam electionem sæculari potestati legibus absulisse, quanquam si etiam eorumdem sanctionibus hoc non prohiberetur, patriarchalium sedium auctoritati non minus obaudiretur. Pontificibus enim, non imperatoribus, legitur Deus dixisse : « Quæcumque alligaveritis super terram, erunt ligata et in cœlis, etc. (Matth. xviii). » Item primo pontifici : « Pasce oves meas (Joan. xxii). » Item apostolis omnibus : « Euntes docete omnes gentes (Matth. xxviii). » Patriarcharum enim tanta est auctoritas, ut omnimodis hæreticus comprobetur, quisquis eorumdem synodis constitutionibus, obviare nititur. Quæcumque enim communiter statuerint sequenda, ab omni Ecclesia serventur, quæcumque docuerint responda, respuantur, nec unquam a quolibet, nisi forte ab eisdem eorumdem commune judicium retractabitur. Firmamentum enim Christianæ fidei in eorum sedibus, per beatum Petrum sessorem earumdem, ita Deus locavit, ut si unus ex tribus principalibus patriarchis ceciderit, duo stent ; quod si duo ceciderint, cum pro fidei Petri ne deficiat a Christo oratum sit, unius scilicet Romani patriarchæ fides in qua fratres suos confirmet, nunquam deficiat. Quod utique Christus Deus noster jam ostendere dignatus est, in universalibus synodis, jam ab ipsis ascensione octies universaliter celebratis. Nam uno vel duobus a fidei corruentibus, Romanus in ejusdem fidei fundamento licet pulsatus, licet concussus, tamen stetit immobilis. « Cœlum enim et terra transibunt, verba autem ejus non transibunt, » qui dixit : « Tu es Petrus et super hanc petram ædificabo Ecclesiam meam, et portæ inferi non prævalebunt adversus eam, etc. (Matth. xvi). »

Caveant itaque sæculi potestates sequi quod Eutychianistæ imperatores adinvenerunt, ne, quod absit ! cum eis pariter puniantur, quorum tam pravas

A actiones imitari maluerunt. Permittant sanctæ Dei Ecclesiæ uti suo jure, et honore, scilicet secundum sanctorum Patrum sanctiones pontifices sibi diligere et promovere.

Et quoniam supra diximus hanc pestem Simoniacæ hæreseos seminarium esse, operæ pretium est aduersus ejusdem hæresis sacerdotes insurgere, et de eorum sacerdotio et sacrificio Patrum sententias in medium adducere.

In epistola, septimæ synodi universalis, Adriano papæ directa, sic inter cetera legitur : « Eos qui per pecuniam manus imposuerunt vel imponunt.

Petrus divivus apostolus, cuius cathedram sortita est sanctitas vestra, tanquam Simonem Magum depositum. Tolerabilior enim est Macedonii et eorum qui circa ipsum sunt sancti Spiritus impugnatorum iniuria hæresis. Illi enim creaturam, et servum Dei Patris et Filii Spiritum sanctum delirando fatentur. Isti suum spiritum sanctum efficiunt servum : Omnis enim dominus qui habet, si vult vendit, sive servum, sive aliquid eorum quæ possidet : similiter et qui emit, dominus volens esse ejus quod emerit, per pretium pecunia illud acquirit. Ita et qui hanc iniquam actionem operantur, detrabunt Spiritui sancto, æqualiter peccantes his qui blasphemaverunt dicentes : in Beelzebub ejicere Christum dæmonia (Luc. xi), atque, ut verius dicamus, Judæ comparantur proditori, qui Judæis Dei occisoribus Christum vendidit. Cumque sanctus Spiritus consubstantialis sit Christo, ejus ipsi proditores erunt. Et procul dubio non est in eis gratia Spiritus sancti, id est sacerdotii sanctitas. Nam qui non acceperunt, non habent : Ait enim Petrus Simoni : « Non est tibi pars neque sors in sermone isto, quoniam existimasti donum Dei pecunia possioeri (Act. viii). » Nam et vigesimus et octavus canon apostolorum, et actus eorumdem, tertius et quartus liber Regum, alienum omnino a sacerdotio pronuntiant eum, qui aliquam dederit vel acciperit pecuniam in aliquo tempore, sive ante manus impositionem, sive in manus impositione, sive post manus impositionem : Accipere enim est quandounque accipere. » Item ex ultima epistola ejusdem synodi : « Omnis ergo episcopus vel presbyter, aut diaconus convictus, quod per pecunias manus impositionem dederit vel acceperit, et a sacerdotio et gradu decidat. Fortassis autem dicunt aliqui, quia poenitentiam agimus pro peccato, et Dominus ignoscet illud. Ita est, quia omnes agentes poenitentiam Deus suscipit, et indulget per poenitentiam peccata quæ jam patrata sunt ; » et infra : « Sed quia secundum Apostolum, irreprehensibilis debet sacerdos esse, qui per pecunias quemquam consecrat, vel consecratus est, alienus est a sacerdotio, sicut omnis Ecclesiæ scimus alumni ex Canonis disciplinis eruditæ. »

Item ex epistola Paschalis papæ Mediolanensis missa : « Si quis objicerit, non consecrationes sed res ipsas quæ consecratione proveniunt, vendi, videatur quidem aliquid dicere, nihil autem penitus se-

pere. Nam cum corporalis Ecclesiæ, episcopus vel abbas sine rebus corporalibus exterioribus in nullo proficiat, sicut nec anima sine corpore temporaliter vivit, quisquis eorum alterum vendit sine quo alterum habere non provenit, neutrum non venditum derelinquit. Quam tamen objectionem sacer Chalcedonensis canon penitus exterminat, cum procuratorem vel defensorem Ecclesiæ, vel quemquam Ecclesiæ subjectum, adeo per pecunias ordinari prohibeat, ut interventores quoque tanti sceleris anathematis inuincione succidat.

Quid plura? Si anathematizati et excommunicati, ut et vere hæretici, Simoniaci et neophyti ab Ecclesiæ sunt separati, quis non videat quod hujusmodi sacerdotum missæ et orationes Deum ad iracundiam super populum provocent, quem talibus placari credebamus? Scriptum est enim: « Veri sacrificii locus extra catholicam Ecclesiam non est. » Et item: *Hæreticum hominem post primam et secundam correptionem devita* (*Tit. iii*). Quando ergo tales episcopos vel abbates, vel reliquos clericos non devitamus, si eorum missas audiimus, vel cum eis oramus, cum illis excommunicationem subimus. Quos quidem sacerdotes esse saltem credere, omnino errare est, cum Petrus Simoni dicat: « Pecunia tua tecum sit in perditione, quia existimasti donum Dei pecunia possideri (*Act. viii*). Ubi cum existimasti dicitur, non pro eo quod fecerit, sed quia se posse facere credidit, condemnatur, cum minus sit existimare quam credere. In hoc ergo quod subiungitur, « non est tibi pars neque sors in sermone isto (*Ibid.*), patenter ostenditur quia nihil sacrae ordinationis in hac promotione percipitur.

Item ex Registro beati Gregorii ad Sigium, inter cætera: « Cur non perpendiculariter, cur non advertitur, quia beneficium illi in malædictionem vertitur, qui ad hoc ut hæreticus fiat promovetur? » Item, idem in eodem: « Grave omnino et ultra quam dici potest facinus est, sanctum Spiritum qui omnia redemit, venundari. »

Item Ambrosius in Pastorali: « Nempe hoc est quod nimis doleo, quia archiepiscopus cum per pecuniam aliquem episcopum ordinaret specialiter, ordinavit leprosum. » Item ibidem: « Quod accepit pecunia fuit, quod dedit lepra fuit: » Item ibidem: « Aurum dans perdidisti, et sanctam gratiam non acquisivisti. »

Ilactenus de Simoniacorum sacerdotio, nunc ce eorum sacrificio Patrum sententias perscrutemur.

Cyprianus in epistola ad Cornelium: « Existimat aliquis summa et magna, aut non sciente aut non permittente Deo in Ecclesia Dei fieri, et sacerdotes, id est, Dei dispensatores non erunt de ejus sententia ordinati, hoc est fidem non habere qua vivimus, hoc est Deo honorem non dare. Sed de ejus sententia ordinati, hoc est fidem non habere qua vivimus, hoc est Deo honorem non dare. Sed de ejus sententia non ordinantur sacerdotes, qui extra Ecclesiam sunt, sicut ipse Dominus in duodecimi

A prophetis ponit et dicit: « Sibimetipsis regem constituerunt, et non per me (*Osee viii*). » Et iterum: « Sacrificia eorum tanquam panis luctus; omnes qui manducant ea contaminabuntur (*Osee ix*). » Et per Isaiam Spiritus sanctus clamat et dicit: « Væ yobis, filii desertores; hæc dieit Dominus: Habuistis consilium et non per me, et fecistis conventionem non per Spiritum meum, adjicere peccata super peccata (*Isai. xxx*). »

Hieronymus super duodecim prophetas: « Odit Deus sacrificia hæretorum, et a se projicit, et quotiescumque sub nomine Domini fuerint congregati, detestabitur fetorem eorum, et claudit nares suas: Odisse autem et projicere et non odorari, humana loquitur consuetudine, ut nos affectum B Dei nostris sermonibus cognoscamus. Et si holocausta obtulerint, videantur jejunare, dare elemosynas, pudicitiam polliceri, quæ holocausta sunt vera, non ea suscipit Dominus. Non enim sacrificiorum magnitudinem, sed offerentium respicit voluntatem. »

Pelagius Viatori et Pangratius inter cætera: « A schismaticorum sacrificiis potius autem sacrilegii abstinere debet. » Item in eadem epistola: « Non est Christi corpus, quod schismaticus conficit: Nec enim divisum esse Christum poterit quisquam sine apostoli reprobatione consigere. Unam, ut sc̄pē dictum est, quæ Christi corpus est, esse constat Ecclesiam, quæ in duo vel plura dividi non potest. Similiter enim cum ab ea quisquam discesserit, esse desistit Ecclesia. Unum in Jerusalem templum est idolis necesse est ut immoleat, qui semetiosum divi serit. »

Gregorius in Registro: « Nos consecrationem dicere nullo modo possumus, quæ ab excommunicatis hominibus est celebrata. »

Hæc itaque tam patentia tamque manifesta sunt ut dilucidari non egeant. Patentissime namque Simoniacorum sacerdotium et sacrificia irrita esse demonstrant, quamvis quidam scripserit, quod sicut in baptimate Simoniacorum, ita et in eorumdem sacrificio virtus Spiritus sancti cooperaretur, scilicet ut non eisdem sit verum et salutare sacrificium, sed his quibus exhibetur. Quod ex præmissis Patrum sententiis apertissime refellitur, et maxime ex eo quod dicitur: *Sacrificia eorum tanquam panis luctus, omnes qui ea manducant contaminabuntur* (*Osee ix*). Non enim exhibitiō baptismatis, et sacrificii Dominici corporis, omnino simili sibi collatione conferri valent. Nam necessitate urgente omni baptizato conceditur baptizare, sub fidei interrogacione, et nomine Trinitatis, et trina mersione, quod utique concessum est propter eum qui periculo mortis urgetur, ne si tunc ad sacerdotem cum non adsuerit curratur, subito non valeat inveniri qui baptismi ministret. Solis autem sacerdotibus licet est Dominicum corpus confidere, quod quidem non baptizato illico morituro necessarium non est. Baptisma enim præcedit Dominici corporis præ-

ceptionem, ideoque necessarium est ut per quemlibet baptizetur antequam Dominicum corpus a mortuero expetitur. Magis namque dolendum est quampiam absque baptismio humanis rebus excedere quam baptizatum absque eucharistiae communione, quamvis slos utroque non salvetur, qui quidem utrumque posset sumere. Nam qui dixit: « Nisi quis renatus fuerit ex aqua et Spiritu non intrabit in regnum Dei (Joan. iii); » idem dixit: « Nisi manducaveritis panem filii hominis et bibetis ejus sanguinem, non habebitis vitam in vobis (Joan. vi), » ille autem dixi de potentia sumendi utrumque, quoniam parvulus modo natus modo renatus non valet carnem Domineam manducare, licet sanguinem ejusdem possit vix ori infusum deglutire. Nam quod dicitur: « Nisi manducaveritis, » de his qui manducare possunt, accipendum puto. Nemo enim dicit de eo qui manducare non potest, sed de eo qui potest.

His ita decursis dicendum videtur haeresin Arianaeorum, et Sabellianorum, et Macedonianorum, et Photinianorum, atque omnem generalem haeresim a S. Dei Ecclesiae impugnatione cessasse, et Deo pro eadem pugnante cessaturam, si qua deinceps existimat oriri posse. Haec vero, id est Simoniacorum haeresis, quae in initio nascentis Ecclesiae adversus eam statim arma corripuit, usque in finem saeculi, prout sibi diabolus vexilleros et sequaces inveniet, et ad ejusdem probationem eamdem impugnare non cessabit. « Oportet enim haereses esse, » ut ait B. Apostolus, « ut qui probati sunt manifesti fiant (Cor. xi). » Sed animadvertisendum est, quod Christus Deus, qui suam Ecclesiam super fidem petram redificandam promisit, primo omnium haeticorum apostolorum opposuit, videlicet, ut sicut Ecclesia, id est credentium multitudo novit se fidem Petri semper debere sequi, sic in perpetuum meminerit ejusdem nefariae haeresis virosa et mortisera consortia fugere, in cuius capite constat omnium Christianum principem maledictionis jaculum iatessisse. Haec cum ita sint, quicunque pro suo posse ab hujus pestis impugnatione cessaverit, cum Simone et ejus sequacibus portionem habebit, dicente B. Gregorio: « Quisquis contra Simoniacorum haeresim et Neophytorum pro officio sui loco vehementer non asserit, cum eo se non dubitet habere portionem, qui prius hoc piaculari flagitium commisit. »

Sciendum est autem quod aliud est haeticum esse, aliud schismaticum. Siquidem est, qui catholicæ Ecclesiae fidem relinquit, et sui vel alterius erroris via sequi diligit. Item juxta beatum Isidorum: « Qui sacram Scripturam aliter interpretatur quam flagitat sensus Spiritus sancti per quem scripta est, licet ab Ecclesia non recesserit, haeticus appellari potest. » Schismaticus vero est qui quidem reclam se confiteri fidem simulat, sed sanctorum Patrum traditiones superbe contemnit, et se aliqua malevolentia ab unitate Ecclesiae scindit.

Item juxta sanctum Augustinum: « Haeticus est,

A qui non sequitur catholicam veritatem. Schismaticus est qui non amplectitur catholicam pacem. »

Item papa Pelagius in suo Regesto introducit beatum Augustinum ita definitem schismatis in epistola ad Valerianum patricium; inter cetera: « Vide utrum schismati non sint, qui se ab eminentissima et manifestissima auctoritate apostolicarum sedium separaverunt. »

Item, idem Pelagius in epistola ad Viatorem et Pangratium inducit Augustinum ita dicentem: « Qui adversum auctoritatem illarum Ecclesiarum, quæ apostolicas sedes et epistolæ recipere meruerunt, temere credit, immanissimum schismatis crimen a se propulsare non poterit. »

Haec cum ita sint, ex his patet eos esse Ecclesiam qui apostolicarum Ecclesiarum auctoritatem sequuntur; eos vero omnibus modis esse schismaticos, qui contra prescriptas auctoritates apostolicarum sedium, et sanctorum Patrum plus quam concordantes in Ecclesia Dei ordinantur.

« Schismaticus vero juxta Antiochenum concilium, si permanerit turbas faciens et seditiones Ecclesie, per extraneas potestates tanquam seditus comprimentur est. » — « Multa namque, ut ait Augustinus, etiam cum invitis benigna quadam asperitate plectendis agenda sunt, quorum potius utilitati consulendum est quam voluntati. Nam in corripiendo filio quamlibet aspere, nunquam tamen amor paternus amittitur. Fit tamen quod nolle ut doleat, qui etiam invitum videtur dolere sanandus. »

Item Pelagius Valeriano patricio: « Non persecutur, nisi qui ad malum cogit. Qui vero malum vel factum jam punit, vel prohibet ne fiat, non persecutur iste, sed diligit. Nam si, ut quidam putant, nemo nec reprimendus a malo, nec retrahendus ad bonum est, humanas ac divinas leges necesse est evanescari, quæ et malis poenam et bonis praemia justitia suadente constituant. Malum autem schisma est etiam per extraneas potestates opprimendum. »

Itaque si, ut ex his patet schismatici per extraneas potestates sunt opprimendi, nunquid et Simoniaci ab eisdem non sunt opprimendi? Nunquid minus delinquent? Imo magis. Nam si Christus Dei Filius et Spiritus ejus et Patris per omnia æquales sunt, Iudeus et Simoniacus, qui utrumque vendunt, pares non erunt? Item cum ex præmissis auctoritatibus constet, Simoniacum Paracletum emere, Iudeum vero liqueat Christum emisse, nunquid constabit eosdem malitia et merito pares habendos esse? Et quidem ita videtur.

Patet itaque Simoniacos, veluti prius et præcipuos haeticos, ab omnibus fidelibus respondeos, et si commoniti non resipserint, etiam ab exteris potestatis opprimendos. « Verendum quippe est, ut ait Gregorius, quemque pro suo officio et loco contra eosdem vehementer non inardescere, eorumque detestando errori totis nisibus, non obviare. » « Error namque, ut ait Innocentius papa, cui non resistitur, approbatur, et veritas cum minime defensatur oppri-

mitur. Item idem. Negligere quippe cum possis A perversos, nihil est aliud quam solum.

Augustinus: Quisquis metu eujsus habet potestatis veritatem occultat, iram Dei super se provocat, quia magis timet hominem quam Deum.

Ambrosius: Consentire est, non solum scienter mala fieri permittere, sed etiam malefacta non perseguiri.

Gregorius: Qui non corrigit resecanda, committit. Item in Moralibus: Plerumque quieti atque inconcussi relinquimur, si obviare pravis pro justitia non curamus. Sed si ad aeternae vitae desiderium animus exarsit, si verum lumen jam intrinsecus respicit, si in se flamma sancti fervoris accedit, in quantum locis admittit, in quantum causa exigit, debemus pro defensione justitiae nosmetipsos objicere, et perversis ad injusta prouerpentibus etiam cum ab eis non querimus obviare. Nam cum justitiam quam nos amamus in aliis seruant, nos nihilominus sua percusione confodiunt, etiam si venerari videantur.

Et quoniam a quibusdam eorum ignorantia, a quibusdam vero negligentia, ab aliquibus autem su-

perbiæ contumacia delinquitur, optimum est ut pri-  
mum levius mitiusque cum eisdem et cum schismati-  
cisc agatur, et ut pro eis retetur, ne forte, sicut  
ait Apostolus, det illis Deus reprobum sensum,  
ut si resipiscant a laqueis diaboli, a quibus alligati  
tenentur (Rom. 1; II Tim. 1). Quod si rationi non  
acquieverint, Simoniaci pariter et schismatici, ut in-  
curabilia membra ab Ecclesiæ corpore absindantur,  
et ut dictum est, ab exteris potestatibus oppriman-  
tur.

Sciendum est Augustinum de omnibus haereticis et schismaticis ad quemdam Petrum sic scripsisse: Firmissime tene et nullatenus dubites, omnes haereti-  
cum et schismaticum quantumvis multas eleemosi-  
nas faciat, vel etiam pro Christo sanguinem fundat,  
B cum diabolo et angelis ejus aeterno igni mancipandum, nisi ante finem vite huius catholicæ incorpo-  
retur et reintegretur Ecclesiæ.

Hactenus contra eos qui dicunt Dei Ecclesiam et pontificem ejus ordinationem regis potestati subja-  
cere, contraque Simoniacorum sacerdotium et sacri-  
ficium satis dictum. Nunc restat de facultatibus  
Ecclesiæ dicere, quas iidem contendunt sub regi-  
datione manere.

## S. ANSELMI COLLECTANEA.

(Apud CANISIUM, Antiquæ Lectionis, tom. VI, pag. 235.)

### LECTORI.

In manuscripto codice quo usi sumus, subjiciebantur sequentes sententiæ, ab ipso, ut videtur Anselmo, ex variis auctoribus collectæ, quibus demonstrare studet Ecclesiæ facultates non esse in potestate regis aut Cæsar. Quo fit, ut ea quæ sequuntur aut sint altera pars secundi libri; aut totius operis liber tertius. Utrum-  
tamen nihil desideretur, non injuria ambigas.

#### *Albinus in libro secundo super Matthæum.*

Invenit Jesus in templo vendentes boves et oves et columbas et nummularios sedentes; et cum fecisset quasi flagellum de funiculis, omnes ejecit de templo, oves quoque et boves, et nummulariorum effudit æs, ac mensas subvertit (Matth. xxi; Joan. ii). Boves, oves et columbae ad hoc emebantur, ut offerrentur in templo. Nummularii ad hoc sedebarunt ad mensas, ut inter empiores vendidoresque hostiarum prompta esset pecunia taxatio. Videbantur ergo licite vendi in templo, quia ad hoc emebantur ut in eodem templo offerrentur Domino. Sed nolens ipse Dominus aliquid in domo sua terrena negotiationis ne ejus quidem quæ honesta putaretur, exhiberi, dis- pulit negotiatores injustos, et foras simul omnes cum his quæ negotiabantur ejecit. Quid ergo, fratres mei, quid putamus faceret Dominus, si rixis dissidentes, si fabulis vacantes, si risu dissolutos, vel alio quolibet scelere reperiret irretitos, qui hostias quæ sibi immolarentur ementes in templo vidi et eliminare festinavit?

C Hæc propter illos diximus, qui ecclesiam ingressi non solum intentionem orandi negligunt, verum etiam ea pro quibus orare debuerant, augent, insuper et arguentes se pro huicmodi stultitia conviciis odiisque, vel etiam detractationibus insequantur, addentes videlicet peccata peccatis, et quasi funem longissimum sibi incauta eorum augmentatione texentes, nec timentes ex eo districti judicis examinatione damnari. Nam bis quidem in sancto Evangelio legimus quod veniens in templo Dominus huicmodi negotiatores ejecit, primum videlicet, id est, tertio ante passionem suam anno, sicut ex Joannis Evangelista sequentibus scriptis agnoscamus, et ipso quo passus est anno, cum ante quinque dies Paschæ sedens asino Jerosolymam venisset. Sed hoc idem in templo jam sanctæ Ecclesiæ, examine quotidianaæ visitationis agere, omnis qui recte sapit, intellegit.

D Unde multum tremenda sunt hæc, dilectissimi, et digno expavescenda timore, sedulaque præcavendum industria, ne veniens improbus, perver-